



Directora Astrid Britten:

Debi na concentracion di poblacion na San Nicolas den añanan 50 un filial di e biblioteca a bira necesario

ORANJESTAD (AAN): Di- aranzon anochi tabata tin e reapertura di e Biblioteca na San Nicolas. Pa e anochi aki tabata tin un programa special cu presencia di invitadonan special. A conta cu presen- cia di Prome Minister Evelyn Wever-Croes, y otro manda- tacionan y representantenan di Parlamento.

Directora di Biblioteca Na- cional Astrid Britten a duna di conoce na Augustus di aña 1951 tabata tin autorizacion di gobierno pa un filial na San Ni- colas. E tempo ey bata yame a conoce un concentracion di hende mas grandi ariba e isla. Na inicio di añanan 50, ta- bata biba casi 2 bez mas tanto hende na San Nicolas cu na Playa. Sinembargo, e trabao di Biblioteca tabata concentra na Playa, Britten a indica.



Tabata necesario pa lanta mas pronto posibel un filial na San Nicolas. A pidi gezagheb- ber di e tempo ey pa pone na disposicion un espacio ad- ecua. Pero como un solucion

di emergencia a dicidi cu pa e miembronan pariba di brug, pa compensa, nan por a bay cu un cantidad dobel di buki for di Playa. Segun Astrid Britten, esaki a cumenza dia 1 di Sep- tember di aña 1951. E dia ey a cumenza cu e historia di filial San Nicolas. Dia 18 di April di aña 1952, cu poco interes, e tempo ey, inspector di ense- ñanza a habri e filial na San Nicolas cu tabata situa na aña 52 na Van Speijksystraat. Na September 1959, e biblio- teca na San Nicolas ta muda na e oficina auxiliar di Gobi- erno na Sint Maarten. Dia 1 di December di aña 1959 a habri e localidad nobo oficialmente. “E apertura aki ta nifica e emancipacion di San Nico- las. Habitantenan mesora a cumenza muestra nan interes. Orario ta wordo extendi y por fia buki. Dus, pueblo ta masha contento”, a bisa.

Ta te dia 1 di September di aña 1989, cu e inauguracion di e sucursal actual na Stuyvesantstraat a tuma lugar. E tempo ey e inauguracion a tuma lugar den silencio pasobra no tabata tin placa pa fiesta, a señala.

El a sigui bisa cu e edificio a haya su prome renobacion na 2007. Pero tabata te dia 3 di December di aña 2009 cu a haci reapertura di e sucursal na San Nicolas.

“Awe 20 di Maart 2019, despues di caso 10 aña, un vez mas nos ta efectua reapertura die edificio na Stuyvesantstraat 16”. Astrid Britten a agrega cu Parlamentario Allan Howell tabata un di e motornan pa e proyecto aki por a keda realiza.

Finalmente e directora di BNA a gradici un y tur cu tabata envolvi den e proyecto aki.